

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

Art. III. Quodnam sit subjectum vel objectum nostræ Theologiæ?

[urn:nbn:de:hbz:466:1-77132](#)

3 DISPUTATIO PRO OE MIALIS

Subalternatione scientiarum: sed scientia beata est habitus primorum principiorum respectu Theologiae, cum per lumen glorie, & visionem beatam, articuli fidei, qui sunt principia nostra Theologia, manifestentur, & relevantur: ergo inter Theologiam, & scientiam beatam, non est vera & propria subalternatio.

Respondeo scientiam beatam habere similitudinem scientiae subalternantis, & habitus primorum principiorum, respectu nostra Theologiae: quatenus enim uno & simplici intuitu, fertur in essentiam divinam, & in omnia que in ea sunt formaliter, habet rationem habitus principiorum; in quantum vero sic videt essentiam divinam, ejusque attributa, ut cognoscat unam esse causam virtualem, & rationem a priori alterius, habet rationem scientie; & ipsi hoc modo sumptu dicimus Theologiam nostram propriè subalternari.

20 Objicies ultimo contra secundam conclusio- nem: Apostolus i. ad Corinth. 1. docet quod in Cœlo lingue cessabunt. & scientia destruetur: Ergo Theologia non remanebit, sed destruetur in patria.

Confirmatur: adveniente perfecto, evacuat imperfictum, ut ibidem dicit Apostolus: sed Theologia nostra cum sit obscura, & inevidens, est cognitionis imperfecta: ergo destruetur, adveniente visione beatifica, qua est perfecta cognitionis.

Respondeo quod sicut quando Scriptura dicit, quod elementa post diem Iudicii dissolventur: hoc non intelligitur de destructione quantum ad substantiam, sed solum quantum ad statum, vel modum, quatenus scilicet mutabuntur in statum perfectiorem: ita similiter quando Apostolus dicit, quod scientia destruetur, hoc non debet intelligi de destructione quantum ad substantiam, sed solum quantum ad modum obscuritatis, vel inevidentiae, quem nunc habet, vel quantum ad modum operandi imperfectum, scilicet per conversionem adphantasmata, & per species à sensibus acceptas: uterque enim hie modus cognoscendi in patria destruetur, quia tunc (ut docet D. Thomas, super hunc locum Apostoli) non erit ex necessitate, sed ex electione, conversione adphantasmata. Et hunc esse sententiam Apostoli patet satis ex contextu litterarum, subdit enim: Cum autem venerit quod perfectum est, evanescit quod ex parte est. Quod statim probat exemplo parvorum, quorum imperfecta sapientia, & loqua destruitur cum etate: non enim destruetur eorum sapientia & loqua simpliciter, sed quantum ad imperfectionem; quia adulti melius sapiunt & loquuntur.

Ad confirmationem dicendum cum eodem S. Doctore i. parte quæst. 58. art. 7. ad 3. Quod veniente perfecto evanescatur imperfectum, quod ei opponitur: sicut fides quæ est eorum quæ non videntur, evanescatur, visione vidente. Non autem necesse est, quod adveniente perfecto, evanescatur imperfectum, quod ei non opponitur. Sicut quia imperfectio cognitionis vespertina, non opponitur perfecti cognitionis matutina, per illam non evanescatur, ut ibidem docet Sanctus Thomas. Unde cum Theologia nostra non opponatur visioni beatæ, quia non importat in-evidentiam positivam, sicut fides, sed negativam tantum (ut antea exposuimus) non evanescatur adveniente visione, sicut fides, sed potius perficitur.

A citur, & consummatur, sicut charitas: Et sicut donum scientie, & sapientie, alia que virtutes, & dona, que non repugnant statui beatitudinis.

ARTICVLVS III.

Quodnam sit subjectum vel objectum nostra Theologie?

§. I.

Quibusdam premisis difficultas resolvitur.

N otandum primò ex Capreolo quæst. 4. 21 prologi art. 1. concl. 2 quod in qualibet scientia aliquo modo differunt subjectum, & objectum; objectum enim scientia est conclusio in illa demonstrata: subjectum vero est illud quod subjicitur in conclusionibus, & de quo prædicta aliqua, seu passiones demonstrantur. Veruntamen secundum communem Theologorū usum, subjectum & objectum, pro eodem communiter accipiuntur, & idcirco in titulo quærimus, quodnam sit subjectum, vel objectum Theologie.

Notandum secundò, objectum esse duplex, aliud materiale, aliud formale. Objectum materiale, dicitur illud, quod non per se & ratione sui attingitur a scientia, sed ratione objecti formalis. Formale autem est illud, quod per se & ratione sui consideratur: v.g. in potentia visiva, corpus est objectum materiale, quia non percipitur ratione sui, sed ratione coloris quo afficitur: ipse vero color, quia percipitur ratione sui, dicitur objectum formale.

Notandum tertio cum Cajetano, hic art. 3. objecti formalis duas esse rationes formales distinguendas: aliam quæ dicitur ratio formalis quæ, aliam quæ vocatur ratio formalis sub qua. Ratio quæ est res ipsa quæ à potentia, vel scientia percipitur: ratio sub qua illa dicitur, quæ mediante ratio quæ in esse rei consideratur. v. g. in eadem potentia visiva, ratio quæ est color: ratio vero sub qua, est lux, quia mediante luce visus percipit colorem.

Notandum quartò, aliquid posse dici revealatum duplicitate. Primò, formaliter & immediatè, sicut revelatum est, Deum esse trinum, Christum esse nominem. Secundò, virtualiter & mediately, quando scilicet in re immediatè revelata, alia virtualiter continetur, vel tanquam effectus in causa, vel proprietas in essentia, quæ per discursum deducitur: quo pacto in ista propositione, Christus est homo, hæc, Christus est risibilis, virtualiter, & mediately censeretur revelata. His presuppositis.

Dico, objectum formale & specificativum Theologiae, esse Deum, sub ratione Deitatis, ut cadit sub revelatione virtuali: ita quod ipsa Deitas sitratio formalis quæ: revelatione vero divina, virtualis, & mediata, ratio formalis sub qua. Objectum autem materiale, extensivum, & terminativum, quodcumque revelatum à Deo. In hac sententia sic explicata, iam ferè omnes convenient: quamvis olim quidam antiqui Theologi assignaverint alia diversa objecta, utres & signa, Christum ut Redemptorem, vel opus nostræ reparacionis, Deum ut præmatorem, vel ut ultimum finem, & cum meritorium, & similia: Attendentes (inquit S. Doctor hic art. 7.) ad ea quæ tractantur in ista scientia, non ad rationem secundum quam considerantur.

Prima

23 Prima pars conclusionis, quæ assentit Deum A sub ratione Deitatis, esse objectum formale specificativum Theologiae, probatur dupli ratione D. Thomæ loco citato. Prima est: illud censetur esse objectum formale & specificativum cuiuslibet scientiæ, cuius cognitio principaliter queritur, & ad quod reducuntur cætera omnia quæ in ea tractantur: Sed cognitio Dei per se primò queritur in Theologia, & quæcumque in ea tractantur, reducuntur ad Deum sub ratione Deitatis: Ergo Deus sub hac ratione, est objectum formale Theologiae. Major constat, Minor vero probatur. Nam cum Theologia, ut nomen ipsum significat, sit sermo, vel consideratio de Deo, rebusque divinis, cognitione Dei, est illud quod per se primò in illa queritur. Item quæcumque ab illa considerantur, vel sunt ipsam Deum, vel aliquid ad illum pertinens; aut per medium proprietatis, ut attributa; vel ut efficiens ab ipso procedens, ut creaturæ, de quibus agitur in prima parte; vel tanquam media ad ipsum conductientia, & ordinata, sicut actus humani, leges, gratia, virtutes, incarnatione, & sacramenta, de quibus in secunda & tertia parte disputationis: Ergo &c.

Confirmatur: sublatu objecto formali, tollitur scientia: Sed quamvis nullum esset opus meritiorum, nec ullâ sacramentâ à Christo instituta; & licet Verbum Divinum, carnem humanam non assumptum, non propterea tolleretur Theologia: Ergo illa non sunt objectum formale ipsius. Major constat, Minor vero probatur. Quamvis enim illa non darentur, Theologia posset inferre plures conclusiones de Deo, & eius attributis, & probare Deum esse æternum, quia est immutabilis; infinitum, quia est ens per essentiam; intelligentem & scientem, quia est immaterialis; & cætera attributa per naturam divinam, tanquam per causam virtualem, seu rationem à priori, demonstrare: Ergo &c.

24 Secunda ratio D. Thomæ sic procedit: Idem deberet esse objectum, seu subiectum principiorum, & totius scientiæ; cum tota scientia virtute contingatur in principio: Sed Deus sub ratione Deitatis, est subiectum, vel objectum principiorum Theologiae, nempe articulorum fidei: Ergo &c. Minor probatur: nam fidis quæ præbet principia Theologiae, cum sit virtus Theologica, habet pro objecto formali & specificativo Deum sub ratione Deitatis. Licet enim veritas prima dicatur à D. Thoma 2.2. quæst. 1. art. 1. objectum fidei: tamen, ut Cajetanus ibidein §. Ad evidentiam docet, non sunt diversa, Deum esse objectum fidei, sub ratione Deitatis, aut veritatis: sicut nec ens, aut verum, esse objectum intellectus: Ergo &c. Ex quo probata manet secunda pars conclusionis, quæ affirmat quod Deus, sub ratione Deitatis, est ratio formalis quæ Theologiae. Ut enim exposuimus in tertio Enotabili, ratio formalis quæ alicuius potentia, vel habitus, est illa quæ per se primò attingitur, à tali potentia, vel habitu, & ratione cuius alia percipiuntur: unde cum Deus sub ratione Deitatis, sit id, quod per se primò à Theologia attingitur, & in ordine ad quod omnia alia objecta considerantur, illa est ejus ratio formalis quæ.

Secunda vero pars, quæ assentit revelationem virtualem, & mediatam, esse eius rationem formalem sub qua, evidenter ratione demonstratur. Theologia enim est habitus distinctus à fide, à Metaphysica, aliisque scientiis naturalibus; & Tom. I.

quasi medius inter illas: non posset autem ab illis distingui, nec inter eas mediare, nisi haberet pro ratione formali sub qua, revelationem virtualem, & mediatam: si enim eius ratio formalis sub qua, esset revelatio formalis, & immedia ta, conveniret cum fide, quæ initur divinae revelationi immediata: si autem non dependeret à revelatione virtuale, & procederet ex principiis solo lumine naturali notis, non distingueretur à scientiis naturalibus; praesertim à Metaphysica, quæ Deum respicit, ut cognoscibilem ex creaturis, & lumine naturali intellectus. Ex quo probata etiam manet ultima pars. Illud enim censetur esse objectum materiale, extensivum & terminativum alicuius scientiæ, quod subest eius rationi formali sub qua, & ad quod illa se extendit & terminatur: Sed quocunque ens revelatum à Deo, subest rationi formali sub qua Theologia, nempe revelationi virtuali; & Theologia potest ad illud se extendere, illudque contemplari sub tali lumine divinae revelationis mediatae & virtualis: Ergo quod cumque revelatum à Deo est objectum materiale extensivum, ac terminativum Theologiae nostræ.

§. II.

Solvuntur Objectiones.

C Objicies primò: nulla scientia probat de suo 26 obiecto quod sit, sed supponit; ut dicitur i. Posterior. Sed Theologia probat Deum esse, ut sequenti tractatu patet: Ergo Deus non est objectum Theologiae.

Respondeo, quod existentia subiecti, non potest probari ab aliqua scientia, à priori, & per medium proprium, & intraneum: bene tamen à posteriori, per medium ab alia scientia muratum, licet sibi deserviens & ministrans. & sic Theologia demonstrat existentiam Dei, rationibus defumptis à Metaphysica, quæ ministrat Theologia. Addo quod existentia Dei ut Authoris supernaturalis, à Theologia non probatur, sed purè creditur, & sic est propriæ subiectum eius; solùm autem è rationibus Metaphysicis probat Deum esse, ut authorem naturalem.

Objicies secundò: objectum adæquatum scientiæ, prædicari debet de omnibus partibus illius, & esse causa adæquata omnium proprietatum quæ in ea demonstrantur: Sed Deus sub ratione Deitatis, non habet illas conditiones: ergo &c. Maior patet, Minor probatur: Deus enim non prædicatur de Angelo, vel homine, & alijs objectis, de quibus in Theologia disputatur: item Deus sub ratione Deitatis, non est causa innascibilitatis v.g. quæ est in Patre, alijs talis proprietas competet euilibet persona divina, in qua Deitas reperitur; & sic Filius & Spiritus Sanctus essent innascibilis.

Respondeo negando Minorem: ad cuius pri main probationem dicendum est, objectum adæquatum scientiæ prædicari debere de omnibus partibus illius, vel in recto, vel in obliquo; & hoc secundo modo Deus prædicari de homine, & Angelo, ceterisque objectis, de quibus in Theologia tractatur: quia illæ, vel sunt psemet Deus, vel aliquid Dñi, eius scilicet proprietates, vel effectus, vel media ad ipsum conductientia, ut antea exposuimus. Ad secundam probationem, respondebitur objectum formale scientiæ debere esse radicem, & principium omnium proprietatum, quæ in ea demonstrantur, vel secundum

B se, vel

10 DISPUTATIO PRO OE MIALIS

se, vel quatenus reperitur in particulibus speciebus determinatum: sic ens mobile, ut determinatum ad corpora cœlestia, & elementaria, est causa proprietatum, qua de elementis, & corporibus cœlestibus, in Physica demonstrantur; unde ad hoc, ut Deus sub ratione Deitatis sit objectum formale Theologiae, satis est quod Deitas, ut determinata ad personam Patris, & modificata per relationem Paternitatis, sit radix innascibilitatis.

28 Objicies tertio: illud omne pertinet ad objectum formale quod specificativum Theologiae, cui immediate convenitatio formalis sub qua ipsius Theologiae: At non solum Deus sub ratione Deitatis, sed etiam omni enti supernaturali, immediatè convenit ratio formalis sub qua Theologiae: ergo non solum Deus, sed etiam omne ens supernatural, pertinet ad objectum formale Theologiae. Minor paret, nullum enim est ens supernatural, quod non possit immediate & per se revelari, & quod magis est, potest independenter ab ipso Deo ut auctore supernaturali revelari; nec desineret esse Theologia, quamvis Deus non fuisset ipse revelatus per lumen supernaturale, dummodo supponeretur cognitus naturaliter, & alia entia supernatura per fidem revelarentur. Maior vero probatur inductione in omnibus scientiis naturalibus, in quibus non assignatur aliquod ens particularē pro objecto formalē & adæquato, sed sicut omne quod abstractū à materia singulari, sensibili, aut intelligibili; & ut omne effugium præcludatur, & paritas sit adæquata; quamvis aliqua illarum scientiarum habeant unum objectum principale, ad quod omnia alia de quibus trahant, referuntur; ut pater in Metaphysica respectu Dei, & in Logica respectu Demonstrationis, ad quam omnes aliae secundæ intentiones ordinantur; quia tamen in Metaphysica, non solus Deus, sed tamen alia entia creata, & in Logica, non sola demonstratio, sed etiam aliae secundæ intentiones, participant rationem formalem sub qua prædictarunt scientiarum, & sunt objecta per se scibilea ab illis, quamvis per impossibile, nec Metaphysica Deum, nec Logica Demonstrationem considerant; ideo objectum Metaphysica non est solus Deus, sed omne ens abstractus à materia intelligibili, nec objectum Logica sola Demonstratio aut Syllogismus, sed omnis rationis secundæ intentionale. Ergo similiter in proposito, quamvis Deus sit objectum principale Theologiae, non erit tamen eius objectum adæquatum, sed omne ens divinam supernaturam inspiratione cognoscibile. Unde D. Thomas in prologo sententiarum qu. i. art. 4. afferit ens divinum per inspirationem cognoscibile, esse subiectum Theologiae, & paulò infra addit quod Deus non est eius subiectum, nisi sicut principaliter intentum.

Hoc argumentum videtur sine dubio opinionem illam reddere probabilem. Respondeo nihilominus distinguendo primam maiorem. Illud omne pertinet ad objectum formale quod specificativum Theologiae, cui immediatè convenit ratio formalis sub qua ipsius Theologiae: si convenientiam immediatione excludente solum discursum, nego Maiorem: immediatione excludente etiam originem, dependentiam, & attributionem ad aliud, concedo Maiorem, & sub eadem distinctione, nego Minorem. Ad probationem eius ibi subiectam, transeat quod nullū

A sit ens supernaturale, quod non possit revelari independenter à revelatione supernaturali Dei subtractione Deitatis, neq; tamen in hoc casu remansuram Theologiam, aut fidem divinam, saltem eiusdem speciei cum ea quam habemus modo: fides enim nostra est virtus Theologica, hoc est immediate & per se primò respiciens Deum tanquam objectum suum specificativū: in casu autem post, sicut non respiceret Deum, ita non esset Theologica, nec scientia aliorum entium supernaturalium esset Theologia, hoc est scientia de Deo, ut nomen sonat, sed alia quædam fides & scientia supernaturalis, à nostris specie distinxta, utpote quæ diversum objectū specificativum per se respicerent. Ad probacionem verò Majoris, concessa Antecedente, & omnibus quae in eius exemplum adducuntur, nego consequiam & paritatem: ratio discriminis est, quia finis intrinsecus & essentialis scientiarum de quibus fit mentio in argumento, non est cognitio ac ciuius partialis objecti, nec alia omnia minus principalia considerant solum propter principale, sed etiam propter se: finis autem intrinsecus & essentialis nostra Theologia, & fidei, est cognitio solius Dei, aliorum verò objectorum minus principalium, tantum propter Deum, & in ordine ad ipsum; unde omnia alia objecta minus principalia, erunt tantum objecta secundaria & materialia, solum autem Deus objectum formale primarium & adæquatum: sicut respectu charitatis, solus Deus est objectum specificativum, proximus autem, quia non amat nisi in ordine ad Deum, est objectū secundarium & materiale. Huius exemplum reputatur etiam in quibusdam scientiis naturalibus, Medicina enim, quamvis sub eadem abstractione, corpus humanum, & plura alia consideret, pura herbas, mixta, simplicia &c. quia tamen illa omnia considerat solum in ordine ad corpus humanum sanabile, solum corpus humanum sanabile est objectum eius formale specificativum & adæquatum, alia verò sunt tantum objecta secundaria & materialia: cuius ratio radicalis esse potest, quia habitus practici specificatur primariò à fine ad quem ordinantur, non verò ab aliis quæ in ordine ad finē considerantur: Medicina autem est scientia practica, & similiiter Theologia nostra, modo articulo sequenti explicando, alia verò scientiæ, de quibus fit mentio in argumento, sunt simpliciter speculative, nec habent alium finem intrinsecum, quam cognitionem suorum objectorum.

Ad locum verò D. Thomæ desumptum ex prologo sententiarum, variè respondent Thomistæ: Caietanus enim dicit quod D. Thomas non assertendo, sed opinando illud dixit. Capitulo vero assertit S. Doctor in loqui de subiecto materiali & extensivo, Alii existimant, ipsum usurpare nomen entis divini, prout est analogum analogiæ attributionis, subindeque supponere pro principalia analogato, scilicet Deo: quod confirmant exemplo tani, quod est objectum medicinæ, quod ibidem à D. Thoma adducitur. Si vero alii nulla istarum responsionum placeat, non existimo de hoc multū esse curandum, cum in praesenti articulo sua summa, tanquam in suo testamento, S. Doctor clarissime tuam mente expresserit.

Objicies ultimò contra tertiam partem conclusionis: Ratio formalis sub qua obiecti scientiæ, debet esse illi intrinseca: Sed revelatio virtualis,

cum

DE NATURA THEOLOGIÆ.

1

cum fundatur in extrinseco Dei testimonio, non est quid intrinsecum objecto Theologiæ: Ergo non est eius ratio formalis *sub qua*.

Respondeo maiorem esse veram in scientiis naturalibus, non autem in Theologia, quia scientiæ naturales procedunt ex lumine naturæ intellectus & primorum principiorum, in qua suas conclusiones resolvunt: Theologia vero procedit ex articulis fidei, & in extrinseca Dei dicens se testificantis auctoritate fundatur, ac in ipsam ultimè suas conclusiones resolvit.

§. III.

Corollaria precedentis doctrina.

Ex dictis colliges primum, quod alio modo B Theologia considerat Deum, quam Metaphysica, quæ dicitur *Theologia naturalis*: Metaphysica enim agit de Deo, ut per creaturas cognoscibili, ita ut creature se habeant, ut gradus quibus ascendimus, & elevamur ad Dei cognitionem, juxta illud ad Rom. 1. *Invisibilitas Dei per ea quæ facta sunt, intellectu conspicuntur*. Theologia autem primo aspectu considerat Deum eiusque attributa; & ex consideratione Dei, tamen primæ causæ, & primi principii, procedit, & descendit ad cognitionem creaturarum. Unde in Metaphysica prior est consideratio creaturarum, quam Dei: in Theologia è contraria, prior est consideratio Dei, quam creaturarum. Quare (ut infra dicemus) illa est nobilior, & perfectior Metaphysicæ, aliisque scientiis ordinis naturalis; & est veluti quædam expressio, & imago divinæ scientiæ & sapientiæ, quæ ut dicit Dionysius cap. 7. de divinis nominibus, *seipsum cognoscens sit alia*.

Secundò colliges contra Vazquez, in Hæreticis non esse veram Theologiam, illamque specie distingui à nostra: quia nostra deducit suas conclusiones ex principiis fidei divinae creditis, & habet pro ratione formalis *sub qua*, revelationem virtutem: Theologia autem hereticorum deducit suas conclusiones ex principiis fidei solum humanae creditis; nec habet pro ratione formalis revelationem divinam, sed traditionem humanam; unde illa est potius fides humana, vel opinio, quam scientia. Quare Dionysius cap. 2. de divinis nominibus, loquens de illo qui divinis eloquii resistit, qualis est Hæreticus. Longe, inquit, *omnipotenter à nostra Theologia, & curandum non est illius manuductio ad Theologicam scientiam*. Item Augustinus dicit, Theologiam esse scientiam, quæ fides saluberrima gignitur, & nutritur, defenditur, & roboratur. Ex quo inferes in Theologo quia mittit fidem circa aliquem articulum, non remanere Theologiam eisdem rationis cum ea, quæ est in Catholicis, sed quasi quoddam illius cadaver, amissâ enim fide, non potest amplius vivere nec subsistere Theologia.

Dices: Hæreticus nullo modo habitarat circa principia, & conclusiones Theologiæ: Ergo habet de illis certitudinem, & consequenter scientiam.

Respondeo Hæreticos habere de articulis fideli, & de conclusiōibus Theologiæ, solum certitudinem quandam subjectivam, quæ est quædam pertinacia, orta vel ex illorum voluntate, vel ex proprio iudicio, quō judicant talēm vel tamē articulum fidei esse acceptandum, non vero alios: non autem de illis habere certi-

Tom. I.

tudinem objectivam, procedentem ex motivo divinæ revelationis, quæ omnino necessaria est ad fidem, & Theologiam. Unde dicit D. Thomas 2. 2. quæst. 5. art. 3. *quod Hæreticus circa unum articulum, non habet fidem de aliis articulis, sed opinionem quandam, secundum propriam voluntatem*.

Colliguntur tertio, conclusiones Theologicas, 34 formaliter quā tales, non esse de fide. Ratio est, quia omne quod creditur fidei divinæ, debet immediate & formaliter à Deo revelari: At conclusiones Theologicas, non sunt formaliter & immediatae revelatae, sed virtualiter tantum & immediate, cū ejus ratio formalis *sub qua*, non sit revelatio formalis & immediata, sed virtualis tantum & mediata: alioquin (ut supra ostendimus) illa non distingueretur à fide: Ergo &c. Dixi formaliter quā tales sunt: quia conclusiones Theologicas, materialiter considerate, possunt esse de fide: multæ enim sunt propositiones determinatæ ab Ecclesia tanquam de fide, quæ possunt fieri conclusiones Theologicas, ut constat in hac demonstratione: *Filius Dei naturalis est consubstantialis Patri: Sed Christus est Filius Dei naturalis: Ergo est consubstantialis Patri*. Similiter in ista. *Qui est Deus & homo, habet divinam & humanam voluntatem: Sed Christus est Deus & homo; Ergo habet divinam & humanam voluntatem*.

Advertendum tamen est, quod ille qui negaret aliquā conclusionem Theologicam, quæ ex principiis revelatis per evidenter consequentiam infertur, qualis est ista, *Christus est visibilis, censetur esse Hæreticus*: quia non censetur negare bonitatem illationis, quæ lumine naturali evidens est, sed principium fidei, ex quo illa evidenter deducitur.

Colliguntur quartus: Theologiam esse unam speciem in finâ scientiam, nec illam dividit in plures habitus partiales specie à versos. Ita communiter docent Thomistæ cum S. Doctore h̄c art. 3. contra Recentiores, qui volunt Theologiam non esse unum simplicem habitum, sed illam coalescere & componi ex pluribus habitibus partialibus specie distinctis.

Probatur hoc corollarium ratione D. Thomæ. Unitas potentiarum & habitus consideranda est, non secundum objectum materialiter, & in esse entis consideratum, sed secundum quod subest ejus rationi formalis: licet enim homo, leo, & lapis, specie inter se differant: quia tamen convenienter in una ratione colorati, quæ est objectum formale visus, unum specie atoma sensum specificant: Sed omnia objecta, quæ à Theologia considerantur, communicant in una ratione formalis: licet enim illa agat de Deo, de Angelis, & hominibus; de virtutibus, & virtutibus; de gratia, & de peccatis, alisque rebus, plurimum specie diversis, illa tamen non considerat, nisi secundum quod substantia divinæ revelationi: Ergo Theologia est una specie in finâ scientia, nec in plures habitus specie diversos dividit potest. Pro cuius evidētia.

Notandum est primò cum Caietano h̄c s. Ad evidētiam. Ad unitarum distinctionem scientiarum non sufficit rationem quæ objecti earum, illud in esse rei constituentem; constat enim eadem scientiam secundum speciem, qualis est Metaphysica, agere de rebus plurimum specie distinctis in genere rei, ut de substantia, & accidente. Itē ut dicit D. Thomas h̄c art. 1. ad

B 2

2. Ean-

2. Eandem conclusionem demonstrat Astrologus, A & naturalis, puta quod terra est rotunda, &c. Sed præterea requiri rationem formalem *sub qua*, constituentem objectum in genere scibilis: ab utraque enim rationeque, & *sub qua*, unitas & distinctione scientiae pendet, ita ut ratio *qua*, ut subordinata ratione *sub qua*; & ratio *sub qua*, ut determinatur à ratione formalis *qua*, unitatem & distinctionem scientiarum præbeant. Quod etiam docet Caeteranus, Post. cap. 2. ubi & ait, verba illa Aristotelis, de anima textu 38. Secatur autem scientia sicut & res, non esse intelligenda de ipsis rebus, prout res sunt, sed prout ingrediuntur genus scibilis, & quatenus subordinant rationi *sub qua*. Unde quando dicuntur unitatem specificam potentiae vel habitus, ex eius ratione formalis sumendam esse, hoc intelligendum est de ratione formalis *qua*, ut modicata & determinata per rationem formalem *sub qua*.

37 Notandum secundo: hoc interesse discrimen inter Theologiam, & scientias naturales, quod in objectis istarum, ratio formalis *sub qua* sumitur ex tali modo immaterialitatis, scilicet abstractionis à materia, sive potius ex principiis illarum, prout subsunt tali vel tali abstractioni, quæ triplex a signari solet à Philosophis: una à materia singulari, quæ convenit objecto Physicæ, alia à materia sensibili, quæ competit Geometriæ & Arithmeticæ, & aliis Mathematicis; Altera à materia intelligibili, quæ est propria Metaphysice: in objecto vero Theologia ratio formalis *sub qua*, non est immaterialis, sed revelatio virtualis, quæ est ratio superior, *sub qua* Theologia considerare potest, ea quæ in diversis scientiis Philosophicis pertractantur, ut hic art. 3. ad 2. docet D. Thomas. Et ratio hujus est quia sicut res non sunt cognoscibiles per fidem, eo quod habeant talem, aut talem immaterialitatem, sed quia sunt à Deo revelata, ita per Theologiam scibiles sunt; quia sunt revelatae mediatae (hoc est quia deducuntur ex aliis rebus revelatis) non vero quia subsunt tali vel tali abstractioni, à materia. Cùmigitur hæc revelatio virtualis, sit unius simplicissimæ rationis, omnia quæ in illa communicant, sunt quæ dividuntur revelata, ad unam scientiam specie, nempe Theologiam, spectant, siveque, ut docet Capreolus quæst. 3. prologiad 3. contra 4. Si quis omnes conclusiones omnium scientiarum cognosceret, in quantum divinitus revelabiles sunt; hoc est quod formalis ratio assentiendi in illis conclusionibus, efficit lumen divina revelationis, utique unicum habet arbitrium, & non plures. Quod si Deus plures scientias, nempe Physicam, & Geometriam alicui infunderet, tunc (inquit Caeteranus hic §. Pro evidencia) revelatio ad illas scientias comparatur, ut causa efficiens ad effectum, non tam ut ratio seu modus cognoscendi objecti; ille enim homo Geometricus sciret, sub illam ratione, quæ alii Geometrae scidunt: unde in tali casu, illæ scientia non efficit ejusdem rationis & specie, sicut est Theologia nostra; per quod solvit instantia quæ fieri solet contra rationem D. Thomæ jam expositam.

38 Dices primò: omnes Mathematicæ ad minus differunt species, & tamen considerant suum objectum, sub eadem ratione formalis *sub qua*, eadem scilicet abstractione à materi sensibili. Ergo ex eo quod omnia quæ tractantur in Theologia, substant eidem rationi *sub qua*, divina sci-

licet revelationi virtuali, non sequitur Nam est se unam specie atomā scientiam.

Respondeo primò, rationem *sub qua* in Mathematicis & aliis scientiis naturalibus, non esse solam abstractionem à materia sensibili; sed etiam principia ex quibus procedunt, prout substantia tali abstractioni: unde cum talia principia in Mathematicis sint species diversa, illæ species inter se different, quamvis in eadem abstractione convenienter.

Respondeo secundò, omnes scientias Mathematicas, convenire quidem in eadē abstractione à materia sensibili, genericè sumpta, differre tamen penes diversos modos illius: hæc enim non consistit in indivisibili, sed diversos modos & gradus, secundum quos scientiæ Mathematicæ diversificantur; numerus enim v.g. qui est objectum Arithmeticæ, est simplicior quantitate continua, quæ est objectum Geometriæ: quantitas enim continua maximè comittatur materiam, & habet conditiones illius; unde Arithmeticæ est simplicior, & magis abstracta à materia sensibili, quam Geometria. Similiter quæ linea visualis, quæ est objectum Perspectivæ, consideratur per ordinem ad visum, qui est nobilior potentia, & magis abstracta à materia & motu, quæ auditus, quem respicit numerus ut sonorus, qui est objectum Musica: Perspectiva magis abstracta à materia sensibili, quæ Musica.

Dices secundò: omnes conclusiones Theologicae non attinguntur sub revelatione virtuali: Ergo non substant eidem rationi *sub qua*, & consequenter non constituant unum specie habitum. Consequentia patet ex dictis, Antecedens vero probatur. In Theologia sunt aliquæ demonstrationes, quæ deducuntur ex una præmissa naturali, & altera revelata, ut constat in hoc exemplo, *Omnis homo est risibilis: Christus est homo: ergo Christus est risibilis.* Atqui in tali demonstratione, conclusio non substantia revelationis virtuali: Ergo omnes conclusiones Theologicae, non attinguntur sub revelatione virtuali. Minor subsumpta probatur. Ut aliqua conclusio sit virtualiter revelata, oportet quod causa eius adæquata, id est ultraq; præmissa, sit formaliter revelata: Sed in tali demonstratione, præmissa naturalis non est formaliter revelata, cùm sit cognita lumen naturali: Ergo &c.

Respondeo primò negando Antecedens, ad cuius probationem, nego Minorem. Ad probationem Minoris, dicendum est, quod sola præmissa de fide, continet totam veritatem & certitudinem conclusionis, & quod altera lumine naturali nota, assumitur tantum per accidens, & propter imperfectionem subjecti, quod eger ministerium luminis naturalis, ad acquirendam scientiam. Unde in scientia beata, quæ non eger discursu formalis, hæc veritas, *Christus est risibilis*, videtur in hac sola propositione, *Christus est homo*, tanquam in cœla adæquata.

Secundò dici potest, quod quando propositione lumine naturali nota, conjungitur cum altera de fide, aliquo modo substantia revelationis virtuali; quia tunc ab altera quæ est de fide, modicatur, confortatur, & elevatur: sicut cogitativa in homine, propter conjunctionem quam habet cum potentia intellectiva, participat modum quemdam intellectualitatis, & veluti radium quemdam luminis intellectus, ratione cuius potest perfectè discurrere, ut docent Philosophi in libris de anima.